



partii naleraq

7. maj 2019

UPA2019/51

**UPA2020 tikitsinnagu uangut politikerit mingutsitsinnginnerunissamut silallu pissusaanik allanngortitsinnginnerusussamik iliuusissatsinnut innersuussisussamik suleqatigiisitamik immikkut ilisimasalinnik inuttalimmik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Innersuussinerit tamarmik immikkut imaqassapput aningaasatigut kingunerusussamik inuiaqatigiinnut aamma innuttaasunut/sullivinnut.**

(Inatsisartunut ilaasortaq Steen Lyngé, Demokraatit)

Inatsisartunut ilaasortaq Steen Lyngé Demokraatit, siunnersuuteqarpoq UPA2020 tikitsinnagu uangut politikerit mingutsitsinnginnerunissamut silallu pissusaanik allanngortitsinnginnerunissamik iliuusissatsinnut innersuussisussamik suleqatigiisitamik pilersitsinissamik siunnersuuteqarluni tamannalu oqaaseqarfigissavarput.

Siullermik Steen Lyngé qutsavigissavarput siunnersuutaanut soqutiginarput, pinngortitamik paarsilluarnissamik siunertalimik saqqummiussaqaarneranut. Tassami silap allanngoriartornera inuit annertunerpaamik uangut piliarput ajortikkiartuinnartoq isiginnaaginnarsinnaanngilarput, pissutsit ilungersunarsiartuinnartut akueriinnarlugit ajortoornissarput utaqqiinnarsinnaanngilarput akisussaaqataasariaqarpugullu qanoq iliuuseqarnissatsinnut.

Pinngortitaq misinnartumik allanngoriartorpoq uangut meeraanitta nalaani ukiuusarnera sakkortunerusaqaaq, suna tamarmi sikusinnaasoq sikusarpoq assullu issittarluni, aammalu silap allanngortarnera tamaanikkut allanngujaannerujussusarpoq ullumikkornit silagikkajunnerulluni ilaatigullu sivisuumik ullorpassuit ingerlaneranni assut silagittarluni.

Ukiuni makkunani silarput assut nikerartarpoq allaat ullup ingerlanerinnaani allanngorujussuarsinnaasarpog tassunalu takusarparput qangamut naleqqiullugu sila assut naatsorsoruminaatsorujussusarpoq.

Silaannap kissakkiartornera uangut inuit annertunerpaamik pisoqataaffigipput upperilluinnarparput, taamaattumik nunarsuup sinneranut minnerunngitsumillu uumassusilinnut pinngortitamullu uumaffitsinnut ullumikkorniit sakkortunerujussuarmik akisussaaqataanerput ersarinnerulersittariaqarparput.

Nunatsinni akisussaaqqarnerulertariaqarpugut inuttut ataasiakkaatut, sumut tamaanga eqqaanerit ingerlaannarsinnaajunnaartariaqarparput. Kommunit eqqakkanik eqqaavisuarnillu nakkutillinerat sakkortunerulertariaqarpoq. Oliakkut maangaannak igillugit qimanneqartarnerat inerteqqutaalertariaqarpoq, biilinnut angallatinut allanullu batteriusinnaasut tamarmik sukkanerunerusumik ullumikkornit nakkutigineqartariaqalerput.

Imikunik allanillu pinngortitamut kuutsitsinerit tamarmik aamma nakkutigilluarneqartariaqalerput. Ulloq unnuarlu igittassat anartarfiit eqqaaviillu ullumikkornit pitsaanerulernissaat sulissutigisariaqalerparput sukkanerusumik, nunani allani

Umiarsuit nunatsinnut tikittartut imikoornerat ilaatigullu oliamik kinertumik atuillutik sinerissami angalasarneri nakkutigineqarlutillu misissortariaqalerput. Tassami aamma uumasut imarmiut, aalisakkat timmissat avatangiiserlu illersortariaqarpagut ullumikkornit sakkortunerusumik.

Naalakkersuisut akissummini tunngavilersutaat suliniutit arlallit aallartinneqareersimasut soorunami tapersorsornarput, pissutsillu suli pitsaanerulernissaat tamatta takorloorunarparput.

Uani eqqartorneqartut sinerissamut eqqagassat assartorneqartarnissaat ilaatigullu sikuusartuni nunaqarfinnilu massakkumut qanoq periusissiortoqarpa ilimagilluinnarparput assartuiniarnermi aamma ajornartorsiutit nutaat aamma pilersinnaasut.

Assartuinissami sakkussat suussappat? Umiarsuit nutaat imaluunniit pioreersut atorineqassappat, ukioq naallugu uninngasussat qanoq poortorneqassappat poortoriikkat sumiissappat? Allarpassuillu takorloorneqaranngitsut massakkumut assersuutigalugu quperlorsappat, terissat, allallu qanoq amerlitigissappat inuit peqqissusaannut qanoq sunniuteqassappat.

Tamakkuinnaalluunnit eqqarsaatigalugit ilimanngitsutut immaat umiarsuit inuussutissanik assartuisut atorineqassanersut ilanngullugit nalilersugassaarpasimmata. Tassami aamma ilimanarpoq tipiginnerpaannik assartuisoqarnaviannngimmat tamakkua ilanngullugit suliassaarpasippat nalilersugassaallutillu.

Illumut nunatsinni taamak siamasitsigisumik nunaqartugut illumut ikuallaaviit nunarput tamaat marluinnaassanersut illumut pivusorsiorsunersut ilanngullugit eqqarsaatigisariaqarpagut.

Ilanngullugit eqqarsaatit makkua ilanngullugit nalilersorneqartariaqarpagut. Ikuallaaveqareersut illoqarfiit sooq aamma ilanngullugit pilersaarusiorneqanngillat. Atorunnaarpata kissaq pilersinneqartartoq aamma kiassaaitut annaaneqassaaq.

Taavalu olie-mik kiasaanissaq annertunerulissaaq illoqarfiit ikuallaaveqarfiusut atorunnaarpata. tamannami anguniagaanngitsoq arlaleriarluta eqqartortarparput silaannamik kissatsitsisartunik sapinngisamik minnerulersitsinniarnersut aamma illuatungilerparput taamaaliornikkut.

Ikuallaavik ajortoorpat taava qanoq ingerlasoqassava? Ingerlaannaq ikuallaaveqartut illoqarfiit arlaatigut ajortormik nalaassigaangamik ingerlaannaq artorsalertarput, taamaattumik pissusissamisoorunangilaq marluinnarnik nunatsinni eqqakkanut ikuallaaveqalernissaa siunnerfigissallugu.

Assersuutigalugu nunatsinni suli amerlasoorujussuarnik anartarfinnik puussialertakkanik atuisoqarpoq. Tamakkulu aamma silami ikuallaqqusaajunnaassappat. Avannaani Tunumilu, aammalu nunaqarfinni amerlanerpaani ukioq nallugu katersorneqartalissappat pissutsit ilaatigut ilungersunartumut periannaappat nappaait pilersinneqarsinnaaneri eqqarsaatigalugit.

Taamatut tunngavilersuuteqarluta siunnersuuteqartup Steen Lyng Demokraatit saqqummiussaa tassalu mingutsitsinnginnerunissamut pilersaarusiortoqarnissaannik immikkut ilisimasalinnik

pilersitsisoqarnissaanik Naalakkersusiut peqquneqarnissaat isumaqatigalugu ataatsimiititaliami suliarineqarnissaa innersuussutigaarput.

Hans Enoksen